


IBANGA 2 ULWIMI LWEENKOBE

UNdlulamthi uyakuthanda ukufunda



ISIXHOUSA

Inqanaba:

I

Incwadi

4



Ukufunda ngokwamaqela ngoncedo lukatitshala

Phambi kokufunda

- Tyhila ibali abaza kulifunda. Thetha ngemifanekiso.
- Cela abafundi baqashisele ukuba lingantoni na ibali ngokujonga kwizihloko nemifanekiso.
- Cacisela abafundi amagama amatsha okanye anzima phambi kokuba baqalise ukufunda.
- Yenza amakhadi amagama ukufundisa isigama esitsha. (Jonga uluhlu lwasigama esitsha kumphakathi woqweqwae lwangasemva.)

Xa kufundwa okokuqala

- Abafundi mabafunde incwadi ngabanye-ngabanye.
- Abafundi mabafunde ngokuthe cwaka okanye bafunde incwadi ngokusebeza.
- Yiya kumfundu ngamnye umcele ukuba afunde umhlathi encwadini ekhwaza.

Ingxoxo

- Buza imibuzo evavanya ukuqonda esekelewe encwadini.
- Gxinisa kwizandi, amagama angaqhelekanga okanye anzima nakwisigama.
- Uya kufumana imisebenzi engemva kule ncwadi iluncedo ekukhokeleni ingxoxo. (Khetha imisebenzi elungele umgangatho wabafundi).

Xa kufundwa okwesibini


- Kwiintsuku ezilandelayo, bayeke abafundi bafunde kwakhona, ngababini okanye emnye.
- Gxinisa ekufundeni kakuhle, igrاما nesigama.
- Bayeke abafundi bagqibezele imisebenzi equkwe ngemva kule ncwadi ngokwamaqela. Khetha imisetenzana efanele umgangatho wabafundi.

Abafundi mabenze umdlalwana
ukuba incwadi iyakuvumela oko.



Abafundi mabenze imisebenzi yokufunda
ngokwamaqela emva kwesifundo. Bayalele
abafundi basebenze ngokwamaqela benze
imisebenzi efanelekileyo yokufunda
ngokwamaqela efumaneka ngemva encwadini.
Mabangabhalu kule ncwadi. Imisebenzi ebhalwayo
mayenziwe kwiincwadi zabo zemisebenzi.


UNdlulamthi uyakuthanda ukufunda




UNdlulamthi uhlala kumyezo
wezilwanyana nezinye izilwanyana.

Namhlanje uNdlulamthi ubone
intombazana ihleli phambi
kwesibaya sakhe izifundela incwadi.

"Ikhangeleka inomdla la ncwadi.
Akwaba bendinokuya kwithala
leencwadi ndizifumanele ezam
iincwadi," utshilo ezithethela.




Uthe akuba naloo ngcinga
wabaleka wazimela kumyezo
wezilwanyana. Nanko esiya
kwithala leencwadi edolphini.



UMYEZO WEZILWANYANA


“Akwaba bendinokungena
ngaphakathi kwithala leencwadi
ukuze ndifunde incwadi,” watsho.

ITHALA LEENCWADI



Wakroba efesitileni wafunda
incwadi kaJabu.

“Laa ncwadi imalunga
neziphekepheke ikhangeleka
inomdla kakhulu,” wacinga.




Wajonga efesitileni kwakhona
wafunda incwadi ka-Ann.

Elaa bali likhangeleka linomdla
nalo,” wacinga ngelitshoyo.




Uphindile wakroba efesitileni
wabona uBongi efunda incwadi.

Uyifundile nayo waza wacinga,
“Laa ncwadi ingezipheko inika
umdla nayo.”




Uthe esajonge efesitileni njalo
wabona usozincwadi ewisa incwadi.
Wothuswe kukubona uNdlulamthi
kwithala leencwadi.

Usozincwadi watsalela
umgcini - myezo wezilwanyana
umnxeba emcela ukuba aze
kulanda uNdlulamthi.




"Hayi kaloku Mnu. Ndlulamthi,
kufuneka ubuyele kumyezo
wezilwanyana. Akuvumelekanga
ukuba ube lapha," watsho
usozincwadi.



“Wamkelekile kwakhona kumyezo wezilwanyana Mnu. Ndlulamthi. Siza kukuphathele iincwadi kwithala leencwadi rhoqo ngeveki ukuze ufunde nawe,” utshilo umgcini - myezo wezilwanyana.

**Iincwadi luncuthu
mazangwa!**





Masicule!

Ndazi Ndlulamthi ithile



Ndazi ndlulamthi ithile,
enentamo ende kunene.

Iyitsala iyitweze,
ide ifike esibhakabhakeni.

Ihlala emathafeni,
neendlovu zikhona.


Kanti ungayibona
kumyezo wezilwanyana.





Indlulamthi

Indlulamthi sisilwanyana eside esodlula
zonke ezinye izilwanyana eziphilayo
emhlabeni. Itya amagqabi emithi.
Indlulamthi zineentamo ezinde nemisila
emide. Amalwimi azo nawo made
kangangokuba ziyakwazi ukukhatha
iindlebe zazo ngawo.






Imisebenzi yokufunda yamaqela



I

Jonga imifanekiso. Xeleta umhlobo wakho ukuba kwenzeka ntoni kumfanekiso ngamnye.
Xeleta umhlobo wakho ukuba ngowuphi umfanekiso omele ukuba ngowokuqala, owesibini, owesithathu nowesine.
Phinda ubalisele umhlobo wakho ibali kwakhona, usebenzise imifanekiso.





2


Yenzani umdlalo nilinganise ibali.




3

Umfanekiso 2 wahluke njani kumfanekiso 1?
Zingaphi iyantlukwano ozifumanayo?

UMFANEKISO 1



UMFANEKISO 2



4

Bhalā izivakalisi zibe zi - 2 ngalo mfanekiso ungentla.



5

Funda le mibuzo ilandelayo. Xelela umhlobo wakho
iimpendulo.

- Sithini isihloko sebali?
- Ngubani umlinganiswa oyintloko?
- Zeziphi iincwadi azibonileyo uNdlulamthi kwithala leencwadi?


- d. Yintoni eyabangela ukuba usoziincwadi awise incwadi akubona uNdlulamthi?
- e. Ucinga ukuba libali eliyinyaniso eli?
- f. Zingaphi izilwanyana ozibonayo kwiphepha lesi - 5? Zixele.
- g. Ucinga ukuba uNdlulamthi waziva njani xa ebuyiselwa kumyezo wezilwanyana?
Nika isizathu sempendulo yakho.
- f. Ngowuphi umbuzo onqwenela ukuwubuza utitshala wakho malunga neli bali?



b

Yeyiphi incwadi oyithanda kakhulu?

Zoba encwadini yakho umfanekiso weyona ncwadi uyithandayo. Wakugqiba bhala izivakalisi ezi - 4 ukuya kwezi - 6 ngencwadi leyo.



IBANGA 2 ULWIMI LWEENKOBE



Incwadi 4

Isihloko:	UNdlulamthi uyakuthanda ukufunda
Ulwimi:	IsiXhosa
Inqanaba:	Incwadi yokufunda yoLwimi Lweenkobe yeBanga lesi-2 Incwadi yesi-1 Inqanaba 4
Uhlobo lwencwadi:	Ibali
Amagama ajongwayo:	ukufunda, wamkelekile, akwaba, tsala umnxeba, kroba, buyela, rhoqo, ukutsho, ingcinga.
Isigama:	inomdla, ithala leencwadi, isiphekepheke, izipheko, usozincwadi, umgcini-myezo wezilwanyana, iresiphi, umhloli, inencasa, umnqweno, ukunqwenela, isibaya
Izandi:	aa, gc, nx, ts, tw, kr, ee, ii, nqw, ncw, dl.
Umxholo, amagama nezakhono:	<ul style="list-style-type: none">▪ Chaza imifanekiso.▪ Dwelisa imifanekiso ngokulandelelana kwayo.▪ Balisa ibali ngokusebenzisa imifanekiso.▪ Yenza umdlalo omfutshane ulinganise ibali.▪ Khangela ebalini amagama anemvano-siphelo efanayo okanye ahambelanayo.▪ Chonga umahluko.▪ Bhala izivakalisi ezibini ngomfanekiso.▪ Funda isicatshulwa uze uphendule imibuzo.▪ Chonga eyona ncwadi uyithandayo uze uzobe umfanekiso oyibonisayo. Bhala ibali ngawakho amazwi, izivakalisi mazibezi-4 ukuya kwezi-6 ngencwadi leyo.

Inkqubo ye-CAPS igunyazisa ukuba ootitshala babe nexesa abalibekela bucala ngosuku ngalunye. Kulungiselelwa ukufunda ngamaqela encediswa ngutitshala.

ukufunda ngamaqela encediswa ngutitshala kujolise ekubeni abafundi abakwinqanaba lokufunda elifanayo bafunde isicatshulwa esifanayo ngoncedo lukatitshala.

Utitshala kufuneka enze isicwangciso sokufunda esiquka iindlela zobuchule bokufunda nokuqonda amagama. zokuxhobisa abafundi xa befunda.

Ezi ndlela zobuchule ziqluka "incoko ngebali" ephakathi kukatitshala nabafundi. nephakathi kwabafundi emaqeleni abo. Ezi ncwadi ziqulethe iqela lemisebenzi malunga nezi "ncoko ngebali". ukujonda neminye enokunceda ootitshala ekukhokeleni ukufunda ngokwamaqela emagumbini abo.



ISBN 978-1-4315-2634-5
9 781431 526345

ISBN 978-1-4315-2634-5



THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Ezinye iincwadi ezikwithala leencwadi zebanga lesi-2 zoLwimi Lweenkobe:



USisi unomhlolo omtsha

Kunzima ukuba yinja

Mhla iqwarhashe lanemigca

UNDLULAMTHI UYAKUTHANDA UKUFUNDA



UBUBU ULAHLEKILE

Benza njalo abahlolo

INTSHONTSHO LEDADA ELIBI



Ibhayisekile entsha kaBheki

Izilwanyana ziya elwandle

Tshotsh' ubekho Mnenga